

虛度韶華卅五年。愧吾未著祖生鞭。才疎製錦頻聽鼓。自問淵懷可對天。

大日本南州少佐先生晒政。

伊塔道、慶秀

摩霄鷹隼出風塵。萬里梯航子一身。自古英雄懷遠略。當年丰采邁時倫。
友邦互慶聯雙璧。緒論傾聆飫異珍。曉日扶桑蒙谷朗。待看圖畫上麒麟。

大清光緒三十三年清和月中浣之六日。台旆抵寧走謁之

餘。出示手卷。我中朝名公巨卿。題贈甚多。於斯爲盛。學不揣

效顰。勉成三絕。用副雅唱。錄呈南州少佐大人。誨正。

知伊犁府寧遠縣事楚南李方學

自慚捧檄滯天涯。六十年來學種花。幸值邊庭無事日。休談兵略課桑麻。
重洋游歷具雄才。傾耳聲名勝似雷。想到大羅天世界。乘槎人自日邊來。
本來偃武復修文。不亞當時王右軍。贏得中朝諸碩彥。一時題贈直如雲。

南州先生晒政。

劉馥馨

來自東瀛萬里身。單車踏偏玉關春。縑囊收得新詩草。尙欲樗材一率真。

南州少佐先生唵壇郢政。

鄞縣、聞端蘭